

**ЭЛЕКТРОЭНЦЕФАЛОГРАФЛАР, ЭЛЕКТРОЭНЦЕФАЛОСКОПЛАР ВА
ЭЛЕКТРОЭНЦЕФАЛОАНАЛИЗATORЛАР ҚИЁСЛАШ УСУЛЛАРИ ВА ВОСИТАЛАРИ**



Нишонов Вохобжон Хамидулла ўғли^{1,2}, Муминов Нажмиддин Шамситдинович³,
Исматуллаев Шероз Хамидуллаевич^{1,2}

1 – Ўзбекистон миллий метрология институти, Ўзбекистон Республикаси, Тошкент ш.;

2 - Тошкент давлат техника университети, Ўзбекистон Республикаси, Тошкент ш.;

3 - Тошкент давлат аграр университети, Ўзбекистон Республикаси, Тошкент ш.

**ЭЛЕКТРОЭНЦЕФАЛОГРАФЫ, ЭЛЕКТРОЭНЦЕФАЛОСКОПЫ И
ЭЛЕКТРОЭНЦЕФАЛОАНАЛИЗТОРЫ МЕТОДИКА И СРЕДСТВА ПОВЕРКИ**

Нишонов Вохобжон Хамидулла ўғли^{1,2}, Муминов Нажмиддин Шамситдинович³,
Исматуллаев Шероз Хамидуллаевич^{1,2}

1 - Узбекский Национальный институт метрологии, Республика Узбекистан, г. Ташкент;

2 - Ташкентский государственный технический университет, Республика Узбекистан, г. Ташкент;

3 - Ташкентский государственный аграрный университет, Республика Узбекистан, г. Ташкент

**ELECTROENCEPHALOGRAPHS, ELECTROENCEPHALOSCOPES AND
ELECTRICENCEFALOANALYZERS METHODS AND TOOLS FOR VERIFICATION**

Nishonov Vokhobjon Khamidulla ugli^{1,2}, Muminov Nazhmiddin Shamsitdinovich³,
Ismatullaev Sherzod Khamidullaevich^{1,2}

1 - Uzbek National Institute of Metrology, Republic of Uzbekistan, Tashkent;

2 - Tashkent State Technical University, Republic of Uzbekistan, Tashkent;

3 - Tashkent State Agrarian University, Republic of Uzbekistan, Tashkent

e-mail: v.nishonov@nim.uz

Резюме. Мақолада электроэнцефалографлар, уларнинг таркибий тузилиши ва ишилаш принциплари ҳамда ушбу ўлчаш воситаларининг қиёслаши усуллари ва воситалари түгрисида сўз боради. Электроэнцефалографларни қиёслаши жараённида ўлчаш натижаларига таъсир қиладиган метрологик характеристикалари ва уларни ҳисоблаш формулалари таъсил қилинади.

Калим сўзлар: Метрология, ўлчашлар ягона тизими, ўлчаш хатоликлари, намунавий ўлчаш воситалари, электроэнцефалограф.

Abstract. Comprehensive treatment of paranasal sinusitis that occurs in patients with cerebral palsy plays an important role in The article describes about electroencephalographs, their structure and principles of operation, as well as the methods and means of verification of these measurement devices. Metrological characteristics which affect the measurement results in the process of verification of electroencephalographs and their calculation formulas are analyzed.

Key words: Metrology, unified system of measurements, measurement errors, standard measurement devices, electroencephalograph.

Кириш. Электроэнцефалограф (ЭЭГ) - Электроэнцефалография учун тиббий электр ўлчаш қурилмаси бўлиб, у мия ярим кортекси ва чукур мия тузилмалари функциясидаги энг кичик ўзгаришларни акс эттиради ва рўйхатга олиб, Электроэнцефалограмни қайд этади [1].

Электрэнцефалограмма – мия қобиғининг функционал ҳолати ва миянинг

биопотенциаллардаги ўзгаришларни қайд этиш орқали олинган эгри чизиқли тасвир.

Мия электроэнцефалографияси - мияни ўрганиш учун ишлатиладиган диагностик усул. Бу миянинг ҳолатини, унинг фаолиятини ва турли хил юқ остида хужайралар ҳолатидаги ўзгаришларни аниқлашнинг энг қулай усули ҳисобланади. ЭЭГ асаб тизими касалликларда, айниқса эпилепсиянинг диагностикаси ва


даволаш амалиётида кенг қўлланилади. Анестезиологияда Электроэнцефалография беҳушлик чуқурлигини кузатиш ва умумий анестезик препаратларнинг таъсирини баҳолаш учун ишлатилади. Илмий амалиётда марказий асаб тизимининг хотира, мослашиш ва ҳис қилиш каби функцияларини ўрганиш бўйича тадкиқотлар олиб борилади [2].

ЭЭГ мия ритмлари. ЭЭГ нинг асосий хусусиятларидан бири бу частотадир. Бироқ, клиник Электроэнцефалографияда ишлатиладиган ЭЭГни визуал таҳлил қилишда


сезги қобилиятлари чекланганлиги сабабли, оператор томонидан бир қатор частоталарни аниқ тавсифлаш мумкин эмас, чунки инсон кўзи факат ЭЭГда аниқ мавжуд бўлган баъзи асосий частота диапазонларини кўра олади. Таҳлил қилиш имконияти мавжуд бўлган баъзи асосий ораликлар учун ЭЭГ частоталарининг таснифи жорий этилди, уларга юонон алифбосидаги ҳарфларнинг номлари берилди (0,1 Hz дан 4 Hz гача - дельта, 4 Hz дан 8 Hz гача - тета, 8 Hz дан 12 Hz гача - альфа, 12 Hz дан 30 Hz гача - бета, 30 Hz дан 60 Hz гача - гамма).



Расм 1. Электроэнцефалограф



Расм 2. ЭЭГ мия ритмлари



Расм 3. ЭЭГ ишлаш принципи. 1-электродлар; 2-коммутатор; 3-биопотенциал кучайтиргич; 4-фильтрлар; 5-калибраш тизими; 6-ёзиб олиш механизми



Расм 4. Қиёслашни амалга оширишда зарур бўладиган намунаий ўлчаш воситалари

ЭЭГ ўлчаш натижаларига тасир қиладиган омиллар. Миянинг электр фаолигини кузатиш бир мунча тайёргарликни талаб қиласи. Олинадиган натижаларни юкори аниқликда бўлиши учун шифокорнинг асосий тавсияларига амал қилиш муҳимдир.

Жараёндан 3 кун олдин антиконвулсанлар, седативлар ва транквилизаторлар истеъмол қилиш тавсия этилмайди. Тадқиқотдан 24 соат олдин газланган ичимликлар, чой, кофе ва энергетик ичимликлар ичиш тақиқланади. Шу жумладан, шоколад истеъмол қилиш ва чекиш ҳам тақиқланади [3].

ЭЭГ тадқиқотлари давомида бошнинг соч қисми яхшилаб ювилган бўлиши лозим. Косметика (турли геллар, лаклар)дан фойдаланиш тақиқланади. Тадқиқотни бошлашдан олдин сиз барча металл заргарлик буюмларини (сирғалар, занжир, соч турмалари) олиб ташлашингиз керак, соchlар бўш холатда бўлиши, турли хил ўрилган соchlар ечишган бўлиши лозим. Жараён олдидан хотиржам бўлиш керак (2-3 кун давомида стресс ва асаб бузилишларнинг олдини олиш зарур) ва уни амалга ошириш пайтида (шовқинлар ва ёруғлик чакнашларидан қўрқмаслик керак). Текширудан бир соат олдин сиз яхши овқатланишингиз керак, тадқиқот оч қоринга ўтказилмайди.

Электроэнцефалографнинг асосий таркибий қисмларининг ишлаш принципи ва хусусиятлари

Электроэнцефалограф қўйидаги асосий таркибий ва функционал қисмлардан иборат (3-расм):

- электродлар;
- коммутатор;
- биопотенциал кучайтиргич;
- филтрлар;
- калибрлаш тизими;
- ёзиб олиш механизми.

Электроэнцефалограммалар диагностика натижаларига ташқи омилларнинг тасирини камайтириш учун ёруғлик ва товуш ўтказмайдиган хоналарда қайд этилади.

Биопотенциаллар беморнинг бош терисига ўрнатилган электродлар ёрдамида олинади ва коммутаторга узатилади. Бунинг ортидан уни кучайтириш, калибрлаш ва филтрлаш ишлари амалга оширилади, шундан сўнг у қофозга ёзилади ва/ёки ёзиб олиш мосламаси томонидан мониторда кўрсатилади.

Коммутаторлар керакли миқдордаги биопотенциалларни узатиш учун ишлатилади. Коммутатор сигналларни узатувчи каналлар сони билан тавсифланади. Улар 4, 8, 16 ва 32 каналли бўлиши мумкин. 4 каналли коммутатор билан Электроэнцефалограф факат мия фаолиятининг кўпол бузилишини аниқлай олади ва аниқ ташхис

кўйиш учун яроқсиз хисобланади. Умумий диагностик баҳолаш учун 8-12 каналли коммутаторларидан фойдаланилади. Факат 16-32 каналли коммутаторлар нозик диагностик тадқиқотлар учун имкон беради.

Коммутатордан сигнал катта коэффицентга эга бўлган (1 mV дан ўнлаб волтгача) биопотенциал кучайтиргичга киради ва кейин филтрлаш курилмасига киради.

Электроэнцефалографнинг сезгирилиги одатда $1-0,2 \text{ mV/mm}$ ни ташкил қиласи. Курилманинг бундай сезгирилик даражаси билан ишлашини таъминлаш учун ташки шовқинларнинг тасирини камайтириш талаб этилади. Интерференция (помех)лар ҳар қандай ташки шовқинлар, жумладан, тармоқ оқимининг индуксияси, микрофон эффекти, транзисторлар ва лампаларнинг шовқини, бошнинг электродлар билан ҳаракатланишидан келиб чиқадиган товушлар, мушак потенциали, ҳатто беморнинг кўз қовоқларини милтиллаши ва титраши натижасида ҳосил бўлади.


Кучайтирилган ва шовқинсиз сигнал ёзиб олиш курилмасига узатилади. Бугунги кунда мия сигналларини ёзиб олиш учун турли хил ёзиш механизмларига эга електромагнит вибраторлар. Тадқиқот натижалари дискрет ҳаракат тезлиги (одатда 60, 30 ва 15 mm/s) бўлган қоғоз лентага ёзилиши ва/ёки монитор экранида акс эттирилиши мумкин.

Электроэнцефалографларини киёслаш O'z DSt 8.090:2020 “Электроэнцефалографлар, электроэнцефалоскоплар ва электроэнцефалоанализаторлар. Киёслаш усуллари ва воситалари” давлат стандартига мувофиқ амалга оширилади [4].

Мазкур стандарт бош миянинг ЭЭГ сигналларини электро-, фото -, фено -, видеостимуляцияда қайд этиш, ўлчаш ва таҳлил қилиш учун мўлжалланган ва диагностика мақсадида ишлатиладиган, ҳам республикада ишлаб чиқарилган, ҳам хорижда чиқарилган электроэнцефалографик приборлар ва комплекслар (электроэнцефалографлар, электроэнцефалоскоплар ва электроэнцефалоанализаторлар, шу жумладан компьютерлаштирилган приборлар)га (кейинги ўринларда - ЭЭПлар) таътукли бўлиб, уларни кўлланиш жойида ёки (ва) стационар шароитларда бирламчи ва даврий қиёслаш услубиётини белгилайди.

Мазкур стандарт нейрокартографлар ва бош мия функцияларини ўрганиш учун мўлжалланган бошқа мураккаб комплекслар мия ЭЭГ каналларига ҳам таалуклидир.

ЭЭПларни қиёслашлараро интервал 1 йилда бир марта.



Расм 5. Синов сигналининг намунавий шакли

Киёслаш операцияларини амалга оширишдан один:

Киёсловчилярнинг малакаси (О'з DSt 8.090:2020 7 банди);

Хавфсизлик талблари (О'з DSt 8.090:2020 6 банди);

Бевосита ЭЭПларни киёслаш шартлари (О'з DSt 8.090:2020 8 банди);

Киёслашга тайёргарлик (О'з DSt 8.090:2020 9 банди) бўйича ишлар амалга оширилган бўлиши лозим.

Намунавий ўлчаш воситалари: ЭЭПларни киёслашда куйидаги намунавий ўлчаш воситаларидан фойдаланилади.

Функционал генератори “ДИАТЕСТ-4” - электрокардиографик (шу жумладан тиббий мониторларнинг ЭКГ каналлари), Электроэнцефалографик, электромиографик, реографик курилмаларини бирламчи ва даврий метрологик текширувани олиб бориша аник калибрлаш сигналларини хосил қилиш учун мўлжалланган.

ЭЭПларни киёслашдан ўтказиш тартиби:

Дастлаб ЭЭПларни киёслашдан ўтказишида ташки кўрик (О'з DSt 8.090:2020 10.1 банди), синаб кўриш (О'з DSt 8.090:2020 10.2 банди) ва дастурий таъминот ишлашини текшириш ва унинг мувофиқлигини тасдиқлаш (О'з DSt 8.090:2020 10.3 банди) ишлари амалга оширилади.

ЭЭПларни метрологик хусусиятларини аниклаш

Метрологик тавсифларни аниклаш ЭЭП бажарилиш вариантига боғлиқ ҳолда, ҳар бир

электрод жойлашуви учун алоҳида амалга оширилади.

Калибрлаш (амплитуда калибратори ва вақт белгилари калибратори) сигналини қайд этиш нисбий хатолигини аниклаш

А) Қайдловчи ЭЭПлар амплитуда калибраторининг нисбий хатолигини аниклаш

Қайдловчи ЭЭПларда амплитуда калибраторининг нисбий хатолигини аниклаш ҳар бир каналда ЭЭП сезувчанлигининг барча қийматларида ички калибрлаш сигналини ва ташки сигнални қайд этиш (ёзиш) орқали амалга оширилади.

Диатест-4 генераторининг чиқиш жойидан ПКУ-ЭЭГ дан аввал калибрлаш сигналси, сўнг ташки сигнал ёзиг олинади. Барча каналлардаги ёзувларда калибрлаш сигналси даражаси (амплитудаси)нинг h_K , mm, ва ташки сигнал кўламиининг h_B , mm чизиқли ўлчамлари ўлчанади.

Амплитуда калибраторининг нисбий хатолиги δ_K , %, куйидаги формула бўйича аникланади:

$$\delta_K = \frac{h_K - h_E}{h_E} \quad (1)$$

бу ерда,

h_K - калибрлаш сигналси даражаси (амплитудаси)нинг ёзувдаги ўлчанган чизиқли ўлчами қиймати, mm;

h - ташки сигнал кўламиининг ёзувдаги ўлчанган чизиқли ўлчами қиймати, mm.

Агар амплитуда калибраторининг нисбий хатолиги қиймати 5 % дан ёки киёсланаётган ЭЭП

ЭХ да келтирилган қийматдан ошмаса, натижалар ижобий хисобланади.

В) Қайдловчи ЭЭПлар вакт белгилари калибраторининг нисбий хатолигини аниқлаши

Вакт белгилари калибраторининг нисбий хатолигини аниқлаш ташки учбурчак сигналининг исталган каналида ЭЭП текшириш тезлигининг барча қийматларида қайд этиш (ёзиш) орқали амалга оширилади.

Ташки учбурчак сигнал ёзиб олинади ва 10 та даврнинг L_c , mm чизиқли ўлчамлари ўлчанади.

Вакт белгиларини қайд этишда улар бўйича 1 с давомийликдаги вакт оралиги белгиланади. Белгиланган L_M оралиқнинг чизиқли ўлчами ўлчанади, mm, ва у учбурчак сигнал 10 та давр давомийлигининг L_c чизиқли ўлчами билан солиштирилади. L_c ва L_M ўлчаш учта қайд этиш участкасида такорланади.

Вакт белгилари калибраторининг нисбий хатолиги δ_M , фоизларда қуйидаги формула бўйича аниқланади:

$$\delta_M = (L_M - L_c) / L_c \quad (2)$$

бу ерда,

L_M - вакт белгиларини қайд этишда белгиланган вакт оралигининг чизиқли ўлчами, mm;

L_c - учбурчак сигнални қайд этишда 10 та давр давомийлигининг чизиқли ўлчами, mm.

Вакт белгилари калибраторининг нисбий хатолик қиймати $\pm 2\%$ ёки қиёсланаётган ЭЭП ЭХ да келтирилган қиймат чегараларида бўлса, натижалар ижобий хисобланади.

ЭЭГ-сигналлар шаклларининг айнан ўхшашилигини аниқлаш. ЭЭГ сигналларининг амплитуда ва вакт параметрларини ўлчаш диапазонини ва нисбий хатолигини аниқлаш

ЭЭГ-сигналлар шаклларининг айнан ўхшашилиги, ЭЭГ сигналларининг амплитуда ва вакт параметрларини ўлчаш диапазони ва нисбий хатолиги ЭЭГ синов сигналини қайд этиш ва унинг параметрларини ўлчаш орқали аниқланади. Генераторда шакли 5-расмда келтирилган синов ЭЭГ-сигнали метрологик текширувдан ўтказилаётган ЭЭГ га юборилади.

5-расмда қуйидаги режим ўрнатилганда монополяр электродлар жойлашувида сигнал ёзилиши келтирилган:

-сезувчанлик - 0,2 mm/ μ V (5 μ V; 5 μ V /mm); ёзув ташувчисининг ҳаракат тезлиги - 50 mm/s — ЭЭГ-приборда.

ЭЭГ-приборда (ЭЭА) барча каналларда камида 10 с давомида калибрлаш сигналини ёзиш ва синов ЭЭГ-сигналини ёзиш (қайд этиш) амалга оширилади.

Барча каналларда сигнални ёзиш (қайд этиш) шакли 5-расмда тасвирланган ЭЭГ сигналининг шакли билан солиштирилади.

5-расмга мувофиқ ёзувларда сигналнинг битта қисми ажратилади ва 0 дан 40 гача барча ўзига хос нуқталарда мавжудлиги ва айнан ўхшашилиги текширилади.

Сигнал амплитуда (h_u) ва вакт (L_u) параметрларининг чизиқли ўлчамларини (mm да) қоғозда ўлчаган пайтда уларни μ V ва ms га ўтказиш мос равища қуйидаги формулалар бўйича бажарилади.

$$U_u = \frac{h_u}{S_u} [\mu\text{V}] \text{ ва } T_u = \frac{1000 \times L_u}{V_y} [\text{ms}] \quad (3 \text{ ва } 4)$$

бу ерда

h_u , L_u - мос нуқталар орасида мос равища амплитуда вакт параметри чизиқли ўлчамларининг ўлчанган қийматлари, mm;

S_y - сезувчанликнинг ўрнатиган қиймати, mm/ μ V;

V_y - текшириш тезлигининг ўрнатиган қиймати, mm/s.

Агар аниқ турдаги ЭЭПда (ЭЭА) амплитуда-вакт параметрларини ўлчаш нисбий хатолигининг ЭХ да меъёрланган қийматлари кўрсатилган қийматлардан фарқ қисса, ЭЭП (ЭЭА)нинг ЭХ да нима кўрсатилганига қараб, мутлақ ёки нисбий ўлчаш хатолиги аниқланади.

Амплитуда параметрларини ўлчаш мутлақ хатолиги Δ [μ V], қуйидаги формула бўйича аниқланади.

$$\Delta = U_{изм} - U_{вх}, \quad (5)$$

бу ерда

$U_{изм}=h_{изм}/S_y$ - кучланишнинг белгиланган нуқталар орасидаги ўлчанган қиймати, μ V;

$h_{изм}$ - вертикал бўйича белгиланган нуқталар орасидаги чизиқли ўлчам;

$U_{вх}=U_{ном}$ - амплитудаларнинг белгиланган нуқталар орасидаги номинал қийматлари, μ V;

S_y - ЭЭПда ўрнатилган сезувчанликнинг номинал қиймати, mm/ μ V.

Мутлақ хатоликнинг олинган қиймати қиёсланаётган ЭЭП (ЭЭА)нинг ЭХ да келтирилган жоиз хатолик билан солиштирилади.

Амплитудаларни ўлчаш нисбий хатолиги δU , %, қуйидаги формула бўйича аниқланади.

$$\delta U = \Delta / U_{ном} \quad (6)$$

Вакт оралиқларини (вакт параметрларини) ўлчаш нисбий хатолиги δT , %, қуйидаги формула бўйича аниқланади.

$$\delta T = \frac{T_u - T_{ном}}{T_{ном}} \cdot 100 = \frac{L_u - L_{ном}}{L_{ном}} \cdot 100 \quad (7)$$

бу ерда

L_u ва $L_{ном}$ - мос равища горизонтал бўйича чизиқли ўлчамнинг mm, $T_u - T_{ном}$ вакт оралиқларига мос бўлган, ўлчанган ва номинал қийматлари, s.

Агар ЭЭГ сигналининг амплитуда-вакт параметрларини ўлчаш хатолигининг қийматлари қиёсланаётган ЭЭП (ЭЭА)нинг ЭХ талабларига мувофиқ бўлса, ЭЭП (ЭЭА) яроқли деб топилади.

Кириш жойига келтирилган ички шовқинлар даражасини аниқлаш

Кириш жойига келтирилган ички шовқинлар даражасини аниқлаш ЭЭПнинг (ЭЭА) ҳар бир каналида бажарилади.

Кириш жойига келтирилган шовқин даражаси $U_{ш}$, μV , визир чизиқлар (ЭЭА учун ёрдамида бевосита ўлчаш орқали ёки қуидаги формула бўйича (қайдловчи ЭЭПлар учун) аниқланади:

$$U_{ш} = h_{изм.ш} / S_{ном} \quad (8)$$

бу ерда

$h_{изм.ш}$ - шовқин қўлами чизиқли ўлчамининг ёзувда ўлчанган қиймати, mm;

$S_{ном}$ - ЭЭП ўрнатилган сезувчанигининг номинал қиймати, mm/ μV .

Агар кириш жойига келтирилган шовқин даражаси қуидаги параметрларга эга бўлса:

- 60 s да биттадан кўп бўлмаган 4 μV отқин;
- 1 s да биттадан кўп бўлмаган 2 μV отқин;
- нол чизигининг ўзгаришлар қўлами 6 s да

1,5 μV дан кўп эмас ёки ЭЭ-прибор (ЭЭА)нинг ЭХ да келтирилган қийматлардан ошмаса, ЭЭП (ЭЭА) яроқли деб топилади.

Қиёслаш натижаларини расмийлаштиришда агар қиёслаш натижалари ижобий бўлса Ўзбекистон Республикаси Вазирлар Маҳкамасининг 2020 йил 29 августдаги 528-сон қарори билан тасдиқланган Ўлчаш воситаларини қиёслашдан ўтказиш қоидаларига мувофиқ қиёслаш гувохномасини расмийлаштиради, қиёслаш натижалари салбий бўлгандан шу қоидалар асосида яроқсизлик хақида хабарнома берилади [6].

Хуноса. ЭЭПлар ёрдамида беъморларга ташхис қўйишида амалга оширилаётган ўлчашларнинг аниқлиги ва ишончлилигини таъминлаш ҳамда юзага келиши мумкин бўлган хатоликларни олдини олиш мақсадида ЭЭПлар №2916 сонли қарорга асосан 1 йилда 1 маротаба метрологик текширувдан ўтказилади [7]. Бу эса ўз навбатида беъморларга қўйилаётган ташхислар ва даволаш усуllibарининг самарадорлигини оширишга ҳамда табиатнинг ноёб маҳсулни бўлган инсон соғлиги ва саломатлигини таъминлашга хизмат қилади.

Адабиётлар:

1. Joseph D. Bronzino. The Biomedical Engineering HandBook, Second Edition. CRC Press LLC, 2000, 3189 p.
2. John G. Webster eds. Encyclopedia of Medical Devices and Instrumentation, Second Edition. A John Wiley & Sons, Inc., Publication. 2006, 544 p.
3. Badnjević A., Cifrek M., Magjarević R., Džemić Z. (eds) Inspection of Medical Devices. Series in Biomedical Engineering. Springer, Singapore, 2018, 285 p.
4. O'z DSt 8.090:2020 “Электроэнцефалографлар, электроэнцефалоскоплар ва электроэнцефалоанализаторлар. Қиёслаш усуllibари ва воситалари” давлат стандарти.
5. ГОСТ 8.395 Государственная система обеспечения единства измерений (ГСИ). Нормальные условия измерений при поверке. Общие требования.
6. Ўзбекистон Республикаси Вазирлар Маҳкамасининг “Ўзбекистон Республикасида метрология хизматлари кўрсатиш тартибини такомиллаштиришга доир қўшимча чоратадбирлар тўғрисида”ги 2020 йил 29 августдаги 528-сон қарори.
7. Ўзбекистон стандартлаштириш, метрология ва сертификатлаштириш агентлиги ҳамда Ўзбекистон Республикаси соғлиқни сақлаш вазирлигининг “Метрология текширувидан ўтказилиши лозим бўлган тиббиёт учун мўлжалланган ўлчаш воситалари ва синаш воситаларининг рўйхатини тасдиқлаш тўғрисида”ги 2017 йил 22 августдаги 2916-сонли қарори.

ЭЛЕКТРОЭНЦЕФАЛОГРАФЫ, ЭЛЕКТРОЭНЦЕФАЛОСКОПЫ И ЭЛЕКТРОЭНЦЕФАЛОАНАЛИЗATORЫ МЕТОДИКА И СРЕДСТВА ПОВЕРКИ

Нишинов В.Х., Муминов Н.Ш., Исматуллаев Ш.Х.

Резюме. В статье рассказывается об электроэнцефалографах, их устройстве и принципах работы, а также о методах и средствах поверки этих измерительных приборов. Проанализированы метрологические характеристики, влияющие на результаты измерений в процессе поверки электроэнцефалографов и формулы их расчета.

Ключевые слова: Метрология, единая система измерений, погрешности измерений, эталонные средства измерений, электроэнцефалограф.